



Yr Adran
leithoedd Modern

Astudiaethau israddedig mewn

leithoedd Modern

Cynnwys

Croeso	t.1
Proffiliau Myfyrwyr	t.2
Ieithoedd a addysgir yn yr Adran	t.4
Strwythur addysgu	t.6
Ein cyrsiau	t.7
Blwyddyn dramor a chyfleoedd byd-eang	t.12
Ymchwil	t.14
Cyflogadwyedd	t.16
Y broses ymgeisio	t.17



Gwybodaeth bwysig

Roedd yr wybodaeth a gyhoeddir am y rhaglenni gradd yn y llyfryn hwn yn gywir pan anfonwyd y ddogfen i'w hargraffu (Hydref 2025), ond fe allai newid. Cynghorir darpar fyfyrwyr i edrych ar ein gwefan i gael yr wybodaeth a'r manylion diweddaraf am y cwrs, gan gynnwys ein gofynion mynediad, cyn gwneud cais, er mwyn bod yn sicr fod y cynllun yn addas i'w gofynion.

Croeso

I'r Adran Ieithoedd Modern

Rydym yn gymuned ddeinamig, groesawgar a'ch datblygiad llwyddiannus yw ein prif ffocws. Rydym yn y 3ydd safle yn y Deyrnas Unedig yn gyffredinol, yn 1af am Adborth ac yn 1af am roi Gwerth Ychwanegol ym maes Ieithoedd ac Ieithyddiaeth yn Nhabl Cynghrair Prifysgolion y Guardian 2024.

Yn yr Adran Ieithoedd Modern rydym yn cynnig amrywiaeth o gyrsiau i astudio Ffrangeg, Sbaeneg, Almaeneg ac Eidaleg, naill ai fel rhaglenni anrhydedd sengl, neu fel rhaglenni anrhydedd cyfun. Mae Aberystwyth yn un o lond llaw yn unig o brifysgolion yn y Deyrnas Unedig sy'n rhoi cyfle i fyfyrwyr astudio cyfuniad o dair iaith, hyd yn oed o lefel dechreuwr. Hefyd, gallwch gyfuno eich astudiaeth o iaith ag ystod eang o bynciau eraill, gan gynnwys Cysylltiadau Rhyngwladol, y Gyfraith, Busnes, Saesneg, Ysgrifennu Creadigol, Drama a Theatr, a Hanes.

Ar draws pedair blynedd eich BA mewn Ieithoedd Modern, byddwch yn datblygu i fod yn ieithydd proffesiynol, gan raddio â hyfedredd lefel uchel yn yr iaith (Ieithoedd) o'ch dewis. Rydym ni'n rhoi pwyslais arbennig o gryf ar gyflogadwyedd a gwerth datblygu sgiliau iaith ar gyfer bywyd proffesiynol. O ganlyniad i'n gwaith wedi'i dargedu yn y maes hwn, mae ein graddedigion yn mynd ymlaen i gael llwyddiant mawr mewn ystod eang o lwybrau gyrfa ledled y byd.

Gan ategu eich astudiaethau sydd â phwyslais ar iaith, gallwch ddewis dilyn modiwlau dewisol arbenigol, a gynlluniwyd i ddyfnhau eich gwybodaeth am bynciau cenedlaethol a thrawsgenedlaethol mewn cymdeithas a diwylliant. Mae ein haddysgu yn cael ei lywio gan ein hymchwil o ansawdd uchel, ac mae ein dull arloesol o addysgu ac asesu yn gwneud dysgu iaith yn Aberystwyth yn brofiad deniadol, grymusol a chyffrous i'n holl fyfyrwyr.

Byddwch yn cymryd rhan yn y cynllun Blwyddyn Dramor yn eich trydedd flwyddyn o astudio: yn astudio, dysgu Saesneg gyda'r cyngor Prydeinig, neu ymgymryd â gwaith a lleoliadau gwirfoddol. Mae'r Flwyddyn Dramor yn rhoi cyfleoedd i ymdrochi'n llawn yn yr Ieithoedd a'r diwylliannau rydych chi'n eu hastudio. Pan fyddwch yn dychwelyd i Aberystwyth ar gyfer eich blwyddyn olaf fel myfyriwr israddedig, byddwch yn meddu ar ddirnadaeth, gwybodaeth a hyder amhrisiadwy, a fydd yn sicrhau eich bod yn weithiwr eithriadol o werthfawr yn y dyfodol gyda sgiliau a rhinweddau amlwg sy'n fanteisiol iawn yn y gweithle. Byddwn yn eich cefnogi drwy gydol y profiad, o'ch paratoi ar gyfer eich amser dramor i'ch croesawu'n ôl i Aber, oherwydd gwyddom fod galluoigi ein myfyrwyr i fanteisio i'r eithaf ar y nodwedd ganolog hon o'n graddau yn sicrhau eu bod yn graddio fel dinasyddion byd-eang sy'n barod ar gyfer y dyfodol.

Rydym yn falch iawn o'ch gwahodd i ymweld â ni, ac edrychaf ymlaen at eich croesawu i'r Adran. Dewch i ymuno â ni yn ein lleoliad unigryw a hardd yng Ngorllewin Cymru a gadewch i ni ddweud mwy wrthydd am ein graddau, a'ch cyflwyno i'n cymuned fywiog, glos a chroesawgar o ddarlithwyr, ysgolheigion a myfyrwyr.

Arrivederci / À très bientôt /
Hasta pronto / Bis bald,

Yr Athro Louise Marshall, Pennaeth yr Ysgol

Fy mhrofiad

fel myfyriwr iaith yn Aberystwyth...

Erykah Williams-McIntosh

"Wrth dyfu i fyny yn Walsall, roeddwn bob amser yn gwybod mai ieithoedd oedd fy angerdd. Cyflwynais gais i'r brifysgol i astudio Ffrangeg a Llenyddiaeth Saesneg i ddechrau, ond ar ôl cyrraedd Aberystwyth, newidiai i Ffrangeg a Sbaeneg o fewn yr wythnos gyntaf. Er fy mod yn poeni am fy Sbaeneg i ddechrau, fe wnaeth y gefnogaeth gan ddarlithwyr a ffrindiau roi hwb mawr i'm hyder, ac es i ymlaen o nerth i nerth wedi hynny.

Roedd yr addysgu yn Aberystwyth yn eithriadol. Roedd fy narlithwyr yn agos-atoch, yn ennyn diddordeb ac yn gefnogol. Hyd yn oed ar ôl graddio, roeddent yn parhau i fod yn adnoddau amhrisiadwy y gallwn gysylltu â nhw bob amser i gael cyngor a chefnogaeth. Ffilm ac Astudiaethau Diwylliannol oedd fy hoff fodiwlau, gan ennyn cariad dwfn at y pwnc a ddaeth yn ganolbwynt traethawd hir fy ngradd Meistr, a dyna fyddai fy arbenigedd academiaidd pe bawn i'n penderfynu dychwelyd i'r byd academiaidd. Roedd hyd yn oed y cyrsiau yr oeddwn yn amheus yn eu cylch i ddechrau - megis Ffrangeg Busnes - yn ddiddorol iawn, diolch i ddarlithwyr ysbrydoledig.

Roedd fy mlwyddyn dramor, yn ystod y pandemig, yn heriol ond yn drawsnewidiol. Roedd astudio ym

Mhrifysgol Sorbonne ym Mharis ac Universidad de Córdoba yn Sbaen yn caniatáu imi adeiladu cyfeillgarwch gydol oes, ymgolli mewn diwylliannau newydd, a meithrin hyder i siarad yn rhugl. Roedd bywyd cymdeithasol bywiog Aberystwyth—coelcerthi ar y traeth, nosweithiau yn y Pier, a chyfeillgarwch oes—hefyd wedi gadael atgofion parhau.

Ar ôl ennill gradd Dosbarth Cyntaf, fe wnes i barhau â'm hastudiaethau gyda gradd Meistr ym Mhrifysgol St Andrews. Ers hynny, mae fy angerdd am ieithoedd wedi datblygu - gan wneud i mi ddifaru na wnes i astudio Almaeneg yn Aberystwyth, gan fod cymaint o ffrindiau yn canmol y cwrs.

Heddiw, rwy'n falch o weithio fel Swyddog Prosiect 'Black Queer and Thriving', gan ddefnyddio Ffrangeg, Sbaeneg ac ieithoedd eraill yn fwy na'r Saesneg yn fy rôl. Rwyf hefyd yn rhedeg busnes tiwtora llwyddiannus ar-lein. Wrth fyfyrio ar fy mhrofiad, rwy'n hynod ddiolchgar am yr addysgu a'r profiadau sydd wedi dylanwadu arnaf."



Carys Davies

"Roedd astudio Ffrangeg a Sbaeneg yn Aberystwyth yn brofiad a newidiodd fy mywyd ac a ragorodd ar fy nsgwyliadau. Cefais fy nenu ar unwaith i'r adran Ieithoedd Modern yn Aberystwyth oherwydd angerdd a gwybodaeth y darlithwyr. Datblygais nid yn unig fy ngallu ieithyddol mewn Ffrangeg a Sbaeneg, ond hefyd fy nealltwriaeth o ddiwylliannau Ffrangeg a Sbaenaidd sy'n glod i'r adran gan eu bod yn ymroddedig iawn i gefnogi myfyrwyr yn ystod eu hastudiaethau. Roedd y gymuned glos yn ffactor enfawr wrth ddewis Aberystwyth, ac ategwyd hyn i mi yn ystod fy astudiaethau gan y byddai'r darlithwyr yn rhoi adborth manwl ac roeddent bob amser yn barod i ateb unrhyw gwestiynau.

Heb os, y Flwyddyn Dramor oedd un o'm huchafbwyntiau personol. Astudiais yn yr Université Bordeaux-Montaigne am y semester cyntaf ac yn yr Universidad de Sevilla am yr ail. Yn ystod fy nghyfnod yn y ddwy brifysgol, astudiais gyfeithu a'm hysgogodd i fod eisiau dewis cyfeithu fel llwybr ar gyfer gradd Meistr. Roedd Bordeaux a Sevilla yn ddinasoedd rhagorol a oedd ill dwy yn gyfoethog o ran hanes a diwylliant. Llwyddais i ymgolli'n llwyr yn yr ieithoedd a'r diwylliant wrth i mi ymweld â Saint-Émilion, prifddinas gwin Bordeaux, sawl gwaith ac ehangu fy ngwybodaeth am ddiwylliant gwin. Yn Sevilla, cefais amser anhygoel yn profi'r Semana Santa gyda fy ffrindiau a mynd i'r Feria de Abril, a dawnsio flamenco gyda phobl leol. Rwyf wedi gwneud cymaint o ffrindiau anhygoel a hyd heddiw rydym yn trefnu aduniadau, ac wedi ymweld â sawl gwlad gyda'n gilydd.

Ni allwn fod wedi gofyn am brofiad myfyriwr gwell yn Aberystwyth, felly dychwelais i astudio gradd Meistr mewn Astudiaethau Cyfeithu Proffesiynol. Rwyf wedi cyfeithu rhai erthyglau a hyd yn oed barddoniaeth o'r Ffrangeg a'r Sbaeneg i'r Gymraeg. Diolch i gysylltiadau a sefydlwyd rhwng y ddau sefydliad, mae gennyf gyfle ar hyn o bryd i ymgymryd â swydd ddysgu ym Mhrifysgol Rennes am flwyddyn. Mae byw yn Llydaw wastad wedi bod yn freuddwyd i mi, a dwi'n ddiolchgar iawn am y cyfle hwn."



Ieithoedd a addysgir yn yr Adran

Ffrangeg

Mae'r iaith Ffrangeg yn hynod o bwysig ym myd cysylltiadau rhyngwladol heddiw ac fe'i defnyddir mewn nifer fawr o sefydliadau rhyngwladol fel y Cenhedloedd Unedig. Mae'n iaith swyddogol mewn 29 o wledydd ac mae yna 220 miliwn o siaradwyr brodorol.

Pam astudio Ffrangeg ym Mhrifysgol Aberystwyth?

Mae Ffrangeg yn cael ei siarad ledled y byd fel iaith frodorol neu ail iaith gan hyd at hanner biliwn o bobl. Mae'r byd Ffrangeg ei iaith yn ymestyn ar draws y byd o Ewrop i Affrica, Asia a chyfandiroedd America. Mae Ffrangeg yn bwysicach nag erioed o'r blaen ac mae'r gallu i gyfathrebu mewn Ffrangeg yn sgîl amhrisiadwy.

Yn Aberystwyth, bydd astudio Ffrangeg yn eich galluogi i ddatblygu'ch cymwyseddau ieithyddol ymhellach ond ar yr un pryd archwilio a datblygu'ch gwybodaeth am ddiwylliant, llenyddiaeth, celf, a ffilm Ffrangeg, a defnydd ymarferol o'r iaith mewn cyd-destun busnes. Bydd ein hystod eang o fodiwlau ichi ddewis o'u plith yn datblygu'ch sgiliau cyfathrebu a dadansoddi, sy'n dra dymunol ymysg sefydliadau rhyngwladol ledled y byd.

Ar ôl cwblhau cwrs pedair blynedd mewn Ffrangeg, byddwch wedi magu lefel uchel o hyfedredd yn yr iaith, yn ogystal â dealltwriaeth feirniadol o agweddau allweddol ar ddiwylliant modern a chyfoes Ffrainc a'r byd Ffrangeg ei iaith.

Almaeneg

Almaeneg yw iaith busnes a chyllid a'r iaith a siaredir yn fwyaf eang yn yr Undeb Ewropeaidd.

Pam astudio Almaeneg ym Mhrifysgol Aberystwyth?

Does dim modd gwahanu iaith, diwylliant a hanes, a bydd astudio Almaeneg ym Mhrifysgol Aberystwyth yn dangos ichi fod yna fwy i ddiwylliant, iaith a hanes yr Almaen nag y gallech fod wedi'i ddisgwyl.

Mae sgiliau mewn Almaeneg yn ddymunol iawn ymysg cyflogwyr mewn busnes rhyngwladol mewn ystod eang o feysydd gan gynnwys cyllid, marchnata, cyfieithu, addysgu, y cyfryngau, y celfyddydau, cyhoeddi, a'r gwasanaeth sifil. Mae yna brinder brawychus o bobl yn y Deyrnas Unedig sy'n gallu siarad un o'r ieithoedd tramor pwysicaf ar gyfer ffyniant y wlad a'i statws byd-eang. Bydd siarad Almaeneg yn rhoi mantais gystadleuol wirioneddol ichi yn y farchnad swyddi.

Mae ein holl gyrsiau Almaeneg yn cael eu haddysgu gan siaradwyr brodorol, ac yn cynnig hyfforddiant iaith gynhwysfawr ar y cyd â chyfle i archwilio diwylliannau, llenyddiaethau a hanesion deallusol y gwledydd Almaeneg eu hiaith.

Sbaeneg

Sbaeneg yw mamiaith tua 400-450 miliwn o bobl, sy'n golygu mai hi yw'r ail iaith fwyaf cyffredin sy'n cael ei siarad yn y byd.

Pam astudio Sbaeneg ym Mhrifysgol Aberystwyth?

Sbaeneg yw un o'r tair iaith ryngwladol bwysicaf yn y byd, ac mae'n cael ei siarad fel iaith gyntaf yn Ewrop, De America, Affrica ac yn gynyddol yn yr Unol Daleithiau.

Ym Mhrifysgol Aberystwyth, cewch gyfle i ddarganfod diwylliant a hanes Sbaen ac America Ladin drwy amrywiaeth o fodiwlau craidd a modiwlau dewisol sydd ar gael ichi yn ystod y cwrs gradd pedair blynedd. Erbyn diwedd y cwrs, bydd gennych feistrolaeth rugl ar Sbaeneg yn ogystal â gafael a gwybodaeth gadarn ar ddiwylliant Sbaen ac America Ladin.

Mae galw mawr am raddedigion Sbaeneg ymysg cyflogwyr amlwladol sy'n gwerthfawrogi'r sgiliau cyfathrebu a'r sgiliau rhyngddiwylliannol sy'n cael eu magu drwy raddau mewn iaith. Gall cwrs Sbaeneg agor llawer o gyfleoedd cyffrous mewn meysydd fel gwleidyddiaeth ryngwladol, busnes, cyllid, marchnata, addysgu a chyfieithu neu gyfieithu ar y pryd.

Eidaleg

Mae tua 85 miliwn o bobl yn siarad Eidaleg, sy'n un o brif ieithoedd Ewrop. Mae ganddi ddylanwad helaeth yn y celfyddydau ac mewn marchnadoedd bwydydd a nwyddau moethus.

Pam astudio Eidaleg ym Mhrifysgol Aberystwyth?

Mae astudio Eidaleg yn rhoi cyfle ichi archwilio gyrfaoedd mewn addysgu, y celfyddydau cain, bancio, y cyfryngau, twristiaeth a'r gyfraith i enwi ychydig yn unig.

Mae'r Eidal yn bartner gwleidyddol pwysig yn yr Undeb Ewropeaidd; mae'n rym blaenllaw mewn meysydd fel peirianeg a phensaernïaeth. Mae'r Eidal hefyd yn gartref i'r diwydiant dylunio a'r diwydiant ffasiwn. Bydd dealltwriaeth a rhuglder cynyddol mewn Eidaleg yn golygu y gallwch archwilio rhai o'r cyfraniadau mawr at fywyd diwylliannol Ewrop, gan gynnwys ffilm a llenyddiaeth, yn eu hiaith frodorol.

Ym Mhrifysgol Aberystwyth, gallwch astudio Eidaleg o lefel dechreuwyr ymlaen. Byddwn yn defnyddio ein dulliau a'n methodolegau arloesol ac unigryw wrth addysgu, gan gynnwys gweithgareddau grŵp bach a chymorth athrawon brodorol a myfyrwyr cyfnewid brodorol o'r Eidal.

Strwythur addysgu

Bydd gradd o'r Adran Ieithoedd Modern yn eich galluogi i ganolbwyntio ar dri maes datblygu eang:

- lefel uchel o hyfedredd yn eich dewis iaith/ieithoedd astudio
- dealltwriaeth fanwl o ddiwylliant, cymdeithas, gwleidyddiaeth, economeg, hanes a llenyddiaeth y gwledydd lle siaredir yr ieithoedd hyn
- sgiliau trosglwyddadwy eithriadol sy'n cynnwys sgiliau 'meddal', datrys problemau, cyfathrebu ysgrifenedig a llafar eithriadol, sgiliau rhyngddiwylliannol a dadansoddol a fydd yn ddeniadol iawn i ddarpar gyflogwyr

Addysgir ein modiwlau gan ddefnyddio cyfuniad o ddarlithoedd, seminarau a sesiynau gweithdy ymarferol, gan roi gwybodaeth graidd i chi, gwybodaeth gyfoes, a chyfleoedd i drafod syniadau pwysig mewn amgylchedd grŵp bach.

Mae ein dosbarthiadau iaith yn ymdrin â'r sgiliau canlynol:

- gwrando
- gramadeg/ysgrifennu
- cyfieithu
- sgiliau iaith diwylliannol a chymhwysol
- sgwrsio

Mae'r dosbarthiadau iaith dwys yn cael eu haddysgu mewn grwpiau bach, wedi'u cynllunio i sicrhau'r effaith fwyaf posibl ar eich datblygiad ieithyddol yn ystod pedair blynedd eich cynllun gradd. Mae gennym nifer uwch o ddosbarthiadau iaith ar bob lefel (fel arfer 5.5 awr yr wythnos fesul iaith) nag yn y rhan fwyaf o brifysgolion.

Mae ein haelodau o staff yn angerddol am eu pwnc ac yn awyddus i rannu eu brwdfrydedd a'u gwybodaeth a arweinir gan ymchwil gyda'r myfyrwyr. Mae eu harbenigedd yn rhychwantu ystod eang o bynciau, gan greu hyblygrwydd i arbenigo neu gymysgu a chyfateb opsiynau. Mae'r ddarpariaeth iaith hefyd yn cael ei hategu gan gyfarfodydd gyda Chynorthwyrwyr Iaith i ymarfer siarad ymhellach, yn ogystal â chyfleoedd i ymuno ag un o'n cymdeithasau iaith.



Ein cyrsiau

Ieithoedd Modern

t.8

Graddau Cyfun a Phrif/Is-bwnc

t.10



leithoedd Modern ar gael drwy'r Gymraeg

BA (Anrh) | R991 | 4 blynedd

Mae Aberystwyth yn un o lond llaw yn unig o brifysgolion yn y Deyrnas Unedig sy'n rhoi cyfle i fyfyrwyr astudio cyfuniad o dair iaith, a hynny gyda gwybodaeth flaenorol neu beidio (Dechreuwyr). Gallwch ganolbwyntio ar astudio un, dwy neu dair iaith, gan greu cyfuniad wedi'i deilwra i'ch diddordebau.

Mae ein hadran yn cynnig Ffrangeg, Eidaleg, Almaeneg a Sbaeneg - o fewn y cynllun hwn, gallwch astudio un, dwy neu dair o'r ieithoedd hyn. Byddwch nid yn unig yn meithrin gwybodaeth ymarferol a rhuglder yn yr ieithoedd hyn, ond byddwch hefyd yn dysgu deall sefyllfa yr ieithoedd hyn mewn cyd-destun byd-eang ehangach. Bydd dechreuwyr yn astudio cwrs dwys yn y flwyddyn gyntaf, sy'n cynnwys modiwl iaith dwys. Ar ôl y flwyddyn gyntaf, bydd yr holl fyfyrwyr ar y cwrs dechreuwyr yn ymuno â myfyrwyr yn y dosbarth lefel ganolradd. Os byddwch yn ymuno â ni ar ôl astudio'r iaith ar y cwrs Safon Uwch, bydd y flwyddyn gyntaf yn adeiladu ar sail yr egwyddorion a ddysgwyd ar y cwrs Lefel A, ac yn eu datblygu ymhellach, gan eich paratoi ar gyfer y tair blynedd nesaf. Rydym yn cynnig hyblygrwydd unigryw yn y cynllun hwn: hyd at ddechrau blwyddyn 2, gallwch benderfynu ychwanegu iaith arall, neu ollwng un.

Ochr yn ochr â dosbarthiadau iaith, byddwch yn dewis o amrywiaeth gyfoethog o fodiwlau cynnwys. Mae modiwlau Blwyddyn 1 yn darparu cyflwyniad i ddiwyllianau cenedlaethol,

yn ogystal â sgiliau a methodolegau pwnc-benodol. Ym Mlwyddyn 2 a'r Flwyddyn Olaf (ar ôl y Flwyddyn Dramor), gallwch ddewis o blith ystod gyffrous o fodiwlau sy'n cwmpasu llenyddiaeth, ffilm, hanes, celf a materion cyfoes, a addysgir gan arbenigwyr yn y pynciau hyn. Mae nifer y modiwlau cynnwys y byddwch yn eu dilyn yn dibynnu ar faint o ieithoedd rydych chi'n eu hastudio - gallwch arbenigo mewn diwylliant un iaith, gan ddilyn ystod o fodiwlau yn y maes hwnnw, astudio dwy iaith gyda detholiad o fodiwlau cynnwys, neu ganolbwyntio ar fodiwlau iaith mewn tair iaith.

Eich blwyddyn dramor

Dyma'r uchafbwynt i bob myfyriwr, a bydd yn un o'r profiadau mwyaf cofiadwy a gewch yn eich bywyd. Rydym yn cynnig yr opsiynau canlynol i'n myfyrwyr:

- astudio yn un o'n prifysgolion partner
- astudio mewn ysgol iaith breifat
- gweithio fel Cynorthwydd Saesneg gyda'r Cyngor Prydeinig
- mynd ar leoliad profiad gwaith mewn gwlad sy'n berthnasol i'ch dewis iaith neu ieithoedd.

Modiwlau

Dyma'r modiwlau y mae'n bosibl y byddwch yn eu hastudio ar y cwrs hwn.

Y flwyddyn gyntaf:

- Language (French, German, Spanish, Italian) Beginners neu Non-Beginners.

Yr ail flwyddyn:

- Language (French, German, Spanish, Italian)

Y drydedd flwyddyn:

- Year Abroad Assessment

Y flwyddyn olaf:

- Language (French, German, Spanish, Italian).

Dyma rai o'r modiwlau dewisol y gallwch eu hastudio i ddatblygu eich diddordebau arbenigol:

- Cuban Cinema of the Revolution
- Exploring German Cultural Identity
- Gender in Modern and Contemporary French Culture
- German-speaking Refugees from National Socialism in the UK
- Hispanic Civilization
- Humour and Literature
- Introduction to European Film
- Language, Culture, and Identity in Europe
- Reading Late 19th Century Literature
- Rethinking late 20th Century Italy
- Spanish American Cinema
- Study and Research Skills in Modern Languages
- Italian Cities
- Self-Writing in France
- The Spanish Avant-Garde.

I gael rhagor o fanylion am y modiwlau dewisol sydd ar gael, gweler y rhestr gyfredol ar ein gwefan, neu cysylltwch â ni.

Ffeithiau Allweddol



Cynnig nodweddiadol:

Pwyntiau tariff UCAS: 120-104 gan gynnwys B Safon Uwch mewn iaith berthnasol oni bai y bwriedir ei hastudio o'r dechrau
BR: 30-28 gyda 5 pwynt mewn un iaith berthnasol ar Lefel Uwch oni bai y bwriedir ei hastudio o'r dechrau



Pwyslais marcio: Tua

50% gwaith cwrs, 50% arholiadau



Graddau Cyfun a Phrif/Is-bwnc - iaith gyda phwnc arall

Yn Aberystwyth cewch gyfle i astudio Sbaeneg, Ffrangeg, Almaeneg neu Eidaleg ar y cyd ag amrywiaeth o bynciau eraill ar gwrs gradd Anrhydedd Cyfun. Mae hyn yn golygu y gallwch elwa yn sgil datblygu sgiliau a gwybodaeth drylwyr yn un o'r ieithoedd hyn ochr yn ochr â phwnc arall yr ydych yn ei fwynhau. Does dim angen sgiliau blaenorol yn eich dewis iaith gan y gallwch ymuno ar lefel dechreuwr, a gweithio tuag at lefel uchel o ruglder.

Pwnc	Ar gael gyda...	Gradd Gyfun	Prif/is-bwnc
Ieithoedd Modern	Busnes a Rheolaeth	NR90	
	Cysylltiadau Rhyngwladol	RL90	
	Drama a Theatr	RW90	
	Hanes	RV90	
	Llenyddiaeth Saesneg	QR90	
	Marchnata	NR91	
	Mathemateg	RG90	
	Y Gyfraith	RM90	
	Ysgrifennu Creadigol	WR90	
Sbaeneg	Addysg		XR04



Blwyddyn dramor a chyfleoedd byd-eang

Yn rhan o'ch gradd mewn leithoedd Modern yn Aberystwyth, byddwch yn treulio eich trydedd flwyddyn dramor, i ymdrochi'n llawn yn eich iaith/ieithoedd astudio.

Mae tri opsiwn ar gyfer eich Blwyddyn Dramor: gallwch astudio yn un o'n prifysgolion partneriaethol neu mewn ysgol iaith; gallwch ddysgu Saesneg fel Cynorthwydd i'r Cyngor Prydeinig; neu gallwch weithio neu wirfoddoli.

Os byddwch yn dewis astudio dramor, gallwch ddewis o blith ystod o opsiynau yn Ffrainc a Gwlad Belg (Ffrangeg), yr Almaen ac Awstria (Almaeneg), Sbaen ac America Ladin (Sbaeneg), a'r Eidal.

Byddwch yn cael cymorth a chefnogaeth benodol wrth baratoi ar gyfer eich Blwyddyn Dramor a threfnu eich cyfnod neu gyfnodau dramor. Ar gyfer pob iaith, aelod o staff ymroddedig fydd cydlynnydd eich Blwyddyn Dramor, a byddant yn eich helpu i lywio eich opsiynau, yn ogystal â'r camau gweinyddol ac ymarferol tuag at sicrhau eich lleoliad. Mae'r profiad o dreulio blwyddyn dramor yn cael ei werthfawrogi'n fawr gan gyflogwyr, sy'n cydnabod yr annibyniaeth a'r dyfeisgarwch sydd gan raddedigion o ganlyniad.

Nid y Flwyddyn Dramor yw'r unig gyfle i wella'ch dysgu drwy gyfrwng amser a dreulir dramor: gall ein myfyrwyr fanteisio ar gyfnewidfeydd byr rheolaidd a phreswyladau. Bydd aelodau o staff a thîm Cyfleoedd Byd-eang y Brifysgol yn barod iawn i roi gwybod i chi am gyfleoedd o'r fath a'ch helpu i wneud cais amdanynt.

Yn draddodiadol ar y flwyddyn dramor, os ydych yn astudio mwy nag un iaith bydd eich amser yn cael ei rannu rhwng dwy wlad er mwyn hwyluso'r broses o'ch trochi'n llwyr mewn mwy nag un iaith a diwylliant.



Ymchwil

Mae ein staff yn arbenigwyr a gydnabyddir yn rhyngwladol yn eu meysydd. Cyhoeddir eu gwaith gyda thai cyhoeddi ac adolygiadau clodwiw, a chanmoliaeth gan y beirniaid, ac maent yn effeithio ar bolisiau yng Nghymru ac yn y DU. Mae eu hymchwil yn sail i'r addysgu yn ein hystod gyfoethog o fodiwlau diwylliannol.

Geiriadur Eingl-Normanaid

Mae'r Dr Geert De Wildes a'i dîm yn arwain gwaith ailargraffiad Anglo-Norman Dictionary (AND). Eingl-Normaneg yw'r ffurf ar Ffrangeg a ddefnyddid yng ngwledydd Prydain yn y canol oesoedd, o 1066 hyd y 15fed ganrif, ac a gafodd ddylanwad enfawr ar hanes a datblygiad y Saesneg Modern. Mae tîm y prosiect yn cyhoeddi, fesul cam ac ar-lein, fersiwn estynedig o'r geiriadur sydd wedi'i ddiwygio'n llawn, ac yn datblygu opsiynau chwilio newydd ac uwch.

Dylanwadwyr trefedigaethol?

Mae'r prosiect hwn, dan arweiniad Dr Gábor Gelléri, a ariennir gan yr Academi Brydeinig, yn dilyn hanes nad oedd yn hysbys o'r blaen am grŵp o fyfyrwyr benywaidd elitaidd o Ffrainc a anfonwyd i Indo-Tsaina drefedigaethol i weld gweithredoedd mawr trefedigaethedd a dod yn eiriolwyr drosto. Trwy ymchwil archifol a chyfweliadau â disgyddion y cyfranogwyr, mae'n ystyried y rhesymau niferus pam y methodd y prosiect hwn, a sut y gwnaeth cynulleidfaoedd lleol ymateb (ymsefydlwyr Ffrengig a'r rhai wedi'u gwladychu) i bresenoldeb yr ymwelwyr anarferol hyn.

Ieithoedd Modern Creadigol ac Asesiad Creadigol

Dan arweiniad Dr Alex Mangold, mae'r prosiect Ieithoedd Modern Creadigol yn cael ei ariannu gan yr Academi Brydeinig a'i nod yw nodi enghreifftiau o ymchwil artistig ac asesiadau "creadigol" anraddodiadol a ddefnyddir mewn Ieithoedd Modern ledled sector Addysg Uwch y DU. Ac yntau yn ei ail gam, mae'r prosiect bellach yn edrych ar Asesiad Creadigol fel adnodd cynhyrchiol ar gyfer ysgolion sy'n gweithio gyda'r Cwricwlwm Newydd yng Nghymru, ac i athrawon sy'n gweithio gyda ffurfiau creadigol o asesu ledled y DU.

Datblygu ap iaith Sbaeneg

Wedi'i ariannu gan Gronfa Arloesi Ymchwil Cymru, a'i ddatblygu mewn cydweithrediad â'r Adran Gyfrifiadureg, bydd y prosiect hwn, dan arweiniad Dr Guy Baron, yn creu ap adolygu iaith Sbaeneg newydd, a fydd ar gael am ddim i holl fyfyrwyr Sbaeneg i'w gwneud hi'n haws iddynt adolygu ac atgyfnerthu rhai o elfennau hanfodol eu cwrs.

Meddygaeth, Llenyddiaeth a'r Wasg

Mae'r prosiect hwn, dan arweiniad José Goñi Pérez, yn dadansoddi data a dynnwyd o gyfnodolion meddygol ac iechyd cyhoeddus Sbaenaidd a gyhoeddwyd rhwng 1850 a 1900. Mae'n astudio disgyrsiau ar salwch, trosglwyddo gwybodaeth, ar bolisiau meddygol a effeithiodd ar famau a phlant, yn ogystal â ffuglen a ysgrifennwyd gan feddygon yn y cyfnodolion hyn.



Ffoaduriaid ym Mhrydain a ddihangodd rhag Sosialaeth Genedlaethol

Mae'r Athro Andrea Hammel yn ymchwilio i fywydau a gwaith y rhai y bu'n rhaid iddynt ffoi o ganol Ewrop oherwydd yr unbennaeth Natsiaidd, gyda chanolbwynt arbennig ar Kindertransport a phrofiad y rhai a ymgartrefodd yng Nghymru. Mae hyn wedi arwain at lyfrau ar gyfer cynulleidfaoedd ac arddangosfeydd academaidd ac ehangach a ddangoswyd, ymhlith eraill, yn y Senedd a Thŷ'r Cyffredin yn San Steffan. Mae hi wedi cyflwyno ei gwaith yn Llyfrgell Holocaust Wiener yn Llundain, Gŵyl Lenyddol y Gelli a'r Bundestag yn yr Almaen.

Merched a'r Avant-Garde Sbaeneg

Mae Dr Jennifer Wood yn gweithio ar gyfraniad menywod, sy'n aml yn cael ei anwybyddu, i fudiad avant-garde Sbaen: llawer mwy nag awenau'n unig, roeddent yn grewyr ac arloeswyr yn eu rhinwedd eu hunain. Mae'r prosiect yn canolbwyntio ar sut yr oeddent yn herio normau rhywedd, maes sydd ar hyn o bryd yn cael ei amlygu'n ddiwylliannol wrth i'r mudiad Swrrealaidd nodi ei ganmlwyddiant. Mae ei gwaith diweddar wedi canolbwyntio ar gyfeillgarwch creadigol rhwng yr artist Maruja Mallo a'r bardd Concha Méndez, yn ogystal ag ar gynrychioliadau o'r ffurf fenywaidd.



Cyflogadwyedd

Mewn byd chwim a phrysur, sy'n newid yn gyson, mae hyblygrwydd ac addasrwydd graddedigion leithoedd Modern yn eu gosod ymhlith y graddedigion mwyaf cyflogadwy.

Mae ein graddedigion wedi gallu dilyn gyrfaedd amrywiol, gwerth chweil ac effeithiol, ac mae ein graddau yn mynd â'n myfyrwyr i bob cwr o'r byd. Mae cyflogwyr yn gwerthfawrogi'r medr iaith lefel uchel, ond hefyd nifer y sgiliau trosglwyddadwy y byddwch chi'n eu meithrin yn ystod eich gradd: cymhwysedd rhyngddiwylliannol, cyfathrebu effeithlon a sgiliau datrys problemau, trefnu ac arwain, a gwydnwch. Mae cyflogwyr yn gwerthfawrogi profiad trawsnewidiol y Flwyddyn Dramor.

Diolch i'r cyfuniad o hyfforddiant iaith manwl a modiwlau diwylliant arbenigol, gall graddedigion o'n hadran ddewis o amrywiaeth o lwybrau. Bydd modd i chi ddilyn astudiaethau pellach mewn gwahanol feysydd gan gynnwys ieithyddiaeth, llenyddiaeth a gwleidyddiaeth ryngwladol. Gallwch gamu i'r gweithle fel ieithydd medrus a sicrhau cyflogaeth mewn meysydd megis busnes rhyngwladol, marchnata a rheolaeth, twristiaeth, ymgynghori, cyhoeddi a darlledu, AD, gwaith cymdeithasol, gwleidyddiaeth, y Gwasanaeth Sifil, y gyfraith a'r sector anllywodraethol. Ac, wrth gwrs, byddwch yn barod iawn ar gyfer gyrfaedd traddodiadol mewn gyrfaedd megis dysgu neu gyfieithu a chyfieithu ar y pryd.

Y broses ymgeisio

1

Gwnewch gais trwy UCAS.com

Gwiriwch y dyddiad cau UCAS ar UCAS.com. Cod sefydliad Prifysgol Aberystwyth: A40. **COFIWCH:** Cewch rif UCAS 10 digid. Cadwch hwn wrth law oherwydd gofynnir am y rhif nifer o weithiau.

2

Bydd y Brifysgol yn ystyried eich cynnig

COFIWCH: Defnyddiwch Hwb UCAS i gadw llygad ar eich cais. Yn Aberystwyth rydym yn ceisio gwneud penderfyniad o fewn saith diwrnod.

3

Bydd y cynnig i'w weld ar Hwb UCAS

Bydd penderfyniad y Brifysgol yn cael ei ddangos ar Hwb UCAS - os ydych wedi derbyn cynnig, fe fyddwch yn gallu gweld pa raddau sydd angen arnoch i sicrhau eich lle.

4

Penderfynwch ble i fynd

Pan fyddwch wedi cael eich holl gynigion, bydd angen i chi benderfynu i ba brifysgol yr hoffech fynd, o fewn amser penodol. Dyma pryd y bydd angen i chi nodi pa brifysgolion fydd eich dewisiadau Cadarn ac Wrth Gefn.

5

Llety

Pan fyddwch wedi gwneud eich dewis Cadarn/Wrth Gefn gallwch wneud cais am lety.

6

Diwrnod y canlyniadau

Bydd Hwb UCAS yn dangos os yw eich lle wedi'i gadarnhau gyda'ch Dewis Cadarn. Os nad ydych wedi cael y graddau yr oeddech yn gobeithio, gallwch ystyried gwneud cais drwy Glirio.

7

Dechreuwch bacio!


Cofwch gadw llygad ar eich e-byst am wybodaeth am eich diwrnod cyntaf a'r gweithgareddau croeso.

Yr Adran Ieithoedd Modern,
Prifysgol Aberystwyth,
Adeilad Huw Owen,
Penglais,
Aberystwyth,
Ceredigion, SY23 3DY

+44 (0)1970 62 1537

modernlangs@aber.ac.uk

/ModLangsAber



Wedi'u dylunio a'u cynhyrchu gan
Marchnata Byd-eang a Denu Myfyrwyr,
Prifysgol Aberystwyth 2025.



Argraffwyd ar bapur
wedi'i ailgylchu 100%